

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, br. 49/04, 19/05, 52/05, 8/06, 92/05, 24/06, 70/06 i 83/06), a nakon provedenog postupka nabavke putem konkurentskog zahtjeva u postupku javne nabavke roba- Nabavka građevinskog, bravarskog, vodoinstalaterskog, elektro materijala i alata, objavljenom na Portalu javnih nabavki broj: 281-7-1-151-3-5/17, dana 14.08.2017 godine, zaključuje se

OKVIRNI SPORAZUM

Između:

1. **KJKP "Tržnice pijace" d.o.o. Sarajevo**, ul. Mula Mustafe Bašeskije 4a, Sarajevo, ID: 4200683020005, koga zastupa direktor Jasmin Terović (u daljem tekstu: Ugovorni organ)
2. **„ADAZAL“ d.o.o. Sarajevo**, ul. Aleja Bosne srebrene br:201 Sarajevo, ID broj: 4200379970005, kojeg zastupa direktor Ramo Bajrić (u daljem tekstu: Dobavljač)

Član 1.

Ovim Okvirnim sporazumom ugovorne strane su se sporazumjele da će Dobavljač, tokom cijelog ugovorenog perioda vršiti sukcesivnu isporuku građevinskog, bravarskog, vodoinstalaterskog, elektro materijala i alata za potrebe Ugovornog organa. Okvirni sporazum se zaključuje na osnovu provedenog konkurentskog zahtjeva za dostavu ponuda objavljenog na Portalu javnih nabavki broj: 281-7-1-151-3-5/17 od 14.07.2017. godine.

Sastavni dio ovog Okvirnog sporazuma je prihvaćena Ponuda Dobavljača broj: 2026/17 od 24.07.2017. godine, sačinjena prema specifikaciji iz tenderske dokumentacije.

Član 2.

Ugovorene strane su se međusobno sporazumjele da će se ugovorene robe isporučivati i plaćati prema utvrđenim jediničnim cijenama iz dostavljene ponude Dobavljača. Jedinične cijene građevinskog, bravarskog, vodoinstalaterskog, elektro materijala i alata utvrđene su u ponudi ponuđača u ukupnom iznosu od 16.360,30 KM (slovima:šesnaesthiljadatristotinešezdeset konvertibilnih maraka, 30/100) bez uračunatog poreza na dodanu vrijednost, odnosno 19.141,55 KM (slovima:devetnaesthiljadastotinučetdesetjedna konvertibilna marka, 55/100), i ne mogu se mijenjati u toku trajanja ovog sporazuma, niti se mogu uzimati za razlog neisporuke ugovorenog građevinskog materijala prema ugovorenim uslovima.

Član 3.

Okvirni sporazum se zaključuje na period od 1 (jedne) godine, odnosno najkasnije do finansijskog ispunjenja, a stupa na snagu danom obostranog potpisivanja.

Na osnovu ovog Okvirnog sporazuma ugovorene strane će zaključiti pojedinačne ugovore kojima će bliže regulisati prava i obaveze za realizaciju ovog Okvirnog sporazuma, čija finansijska vrijednost, odnosno period trajanja, maksimalno može biti do iznosa i perioda utvrđenog u stavu 1. ovog člana, a što će ovisiti od potreba i interesa Ugovornog organa.

Ugovorni organ se ne obavezuje za nabavku utvrđenih okvirnih količina u cjelosti. Stvarna realizacija zavisi od potreba Ugovornog organa, ali ne može preći okvirne količine, odnosno može biti jednaka ili manja od predviđene količine.

Ugovorni organ zadržava pravo potpune ili djelimične realizacije nabavke roba po Tenderskoj dokumentaciji, a u skladu sa Zakonom o javnim nabavkama Bosne i Hercegovine.

Član 4.

Dobavljač se obavezuje da će redovno vršiti isporuku predmetne robe, u skladu sa potrebama i zahtjevu od strane Ugovornog organa. Dobavljač se obavezuje da će naručenu robu isporučiti u roku od 24 sata po prijemu narudžbe na adresu Ugovornog organa.

Član 5.

Osnov za plaćanje isporučenih roba jesu fakture/računi koje Dobavljač ispostavlja Ugovornom organu za uredno isporučenu robu. Plaćanje na ime isporučenih roba Ugovorni organ je dužan izvršiti uplatom na žiro račun Dobavljača broj:33832022512577004 kod UniCredit Banke u roku od 30 dana od datuma ispostavljanja fakture.

Član 6.

Ugovorni organ zadržava pravo da prilikom isporuke robe izvrši kvalitativni i kvantitativni pregled iste, na licu mjesta. Sva roba na kojoj se prilikom isporuke, preuzimanja ili prilikom raspakivanja originalnih pakovanja ustanove bilo kakvi nedostaci ili odstupanja od zahtjeva iz tenderske dokumentacije, na zahtjev Ugovornog organa, bit će od strane prodavca zamjenjena u roku od 3. dana.

Član 7.

Svi uslovi iz tenderske dokumentacije broj: 19/17 od 13.07.2017. godine, čine sastavni dio Okvirnog sporazuma. Eventualne nastale sporove pri realizaciji ovog Okvirnog sporazuma, ugovorne strane će rješavati mirnim putem, u protivnom, nadležan je Sud u Sarajevu.

Član 8.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih Zakonom o obligacionim odnosima.

Član 9.

Ovaj Okvirni sporazum stupa na snagu danom potpisivanja obje ugovorne strane.

Član 10.

Okvirni sporazum je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

DOBAVLJAČ:
„ADAZAL“ d.o.o Sarajevo

Direktor:
Ramo Bajrić



Broj:19-9/17
Sarajevo,14.08.2017.godine

UGOVORNI ORGAN:
KJKP "Tržnice pijace" d.o.o. Sarajevo

Direktor:
Jasmin Terović

